

據所撰神道碑累贈秘書少監國子祭酒太子少保真卿表謝
書頻擢甲科屢升循政曳裾王府名右鄒枚載筆春宮道高徐阮既而壽乖華髮器紆青雲業載史臣慶傳令子追存盛美
衰贈崇班且旌善於義方俾揚名於有後袁州生春卿景曜卿旭卿茂曾春卿工詞翰備儻有吏材蘇頌舉茂才偃師丞
杲卿文理清峻所居有聲太常丞攝常山太守祿山反捨其心手開土門拜衛尉卿兼中丞城陷杲卿叱咤之遂被鉤舌支
解而終贈太子太保諡曰忠節真卿表謝
節獨制橫流或俘其謀主或斬其元惡當以救兵懸絕身陷賊庭傷若無人歷數其罪手足寄於鋒刃忠義形於顏色古所
未有朕甚嘉之曜卿工詩善草隸十五以文學直崇文館淄川司馬旭卿善草書胤山令茂曾好屬文詁訓仁厚絕衆捷為
司馬君生闕疑允南喬卿真長幼與真卿允臧闕疑仁孝有吏能精詩傳善剖判杭州參軍允南仁孝有清識工詩人多誦
其佳句善草隸與春卿杲卿曜卿同日於銓庭為侍郎席建侯所賞達奚珣薦為左補闕真卿時為殿中正至三拱
法座蹈舞而衣袂相接者三故允南賦詩云誰言百人會兄弟也雷陪歷殿中膳部司封郎中司業金鄉男高卿仁和有吏
幹富平尉真長清直早世幼輿方雅有醞藉通斑漢左清道兵曹真卿早孤蒙伯父泉允南親自教誨舉進士歷授書
制舉醴泉尉陟清白長安尉三院御史四為大夫六為尚書再為採訪節度充禮儀使光祿大夫魯郡公允臧敦實孝悌有
吏能制舉延昌今監察充朔方衣資使殿中三為侍御史中允江陵少尹荆南行軍袁州及君孫泉明佐父開土門彭
州司馬威明邛州司馬李嗣子幹沛訓頗誕及外孫博野尉沈盈盧述並為逆胡所害各蒙贈五品京官渚好屬文翹華正
顏慈明都水使者頗好五言校書頌仁孝方正明經大理司直嶺南營田判官執卷九日不食頡頏河陽尉顛鳳翔參軍頌工
小楷洗馬頌恭仁奉禮郎並早譽逝紘方義主簿泉觀並沒蠻襲明徹明德明未仕通明獲嘉尉將明昌明尉克明崇文明
經衛密標榜之颯有德行文詞華原主簿準漂水尉靚頗工文襄陽尉靚有文行弘文進士顯仁友清白常熟令封金鄉男
穎清介勤學侍郎蔣洌賞其判京兆兵曹襲金鄉男頌仁純常熟主簿任城男頌浚儀尉頌清源尉頂幹辦揚府法曹願長
厚清白朝邑尉頌左率倉曹頌秘書正字頌有吏幹歙州錄事參軍曲阜男頌好為詩富陽尉頌好為文常州參軍並粗有
所立君之諸祖諸父羣從揚庭躋並侍讀強學益期並學士中和至誠敬仲大智溫之澹之璿挺援撰溫泚陵並明經
康成強學希莊日損隱朝鄰幾知微舒說順勝式宣韶並進士制舉有意中和趨庭希莊至刺史利仁明天文欣期元洲景
靈並校書允庭注後漢書嘉賓千里昇庠匡朝怡滔渾允濟摺逸覲不器防有文詞博古少連恭敏博學行敬仲溫之以孝
聞潤有風義晃麟邈迨以清白稱其餘咸著官族不獲悉數洪惟累祖之耿光丕業有若子泉弘都之德行巴陵記室之書
翰持進黃門之文章祕監華州之學識肇自魯國格于
聖代紛綸盛美遂舉集于君君能述遵前人不取失墜

